


A-mē-á. A-mē-á mā tāi-seng tī lí ê seng-khu hóe-hòa hit-kang siá phoe hō..lí..á. Góan iáu ū chiâⁿ chē ōe boeh kah lí kóng. Lán pē-á-kiáⁿ chiah koh tāuh-tāuh-á lâi kâng, iōng lán bô liáu-sî ê sî-kan. Éng-óan.

Put-hàu kiáⁿ Lip-bûn, kah a-ché Siok-hôa, sió-mōai Siok-hun tâng-chê

2003-nî Cháp-jī góeh ↗

(Cháp-it-góeh 21 chit-tiôⁿ, 24 chit-tiôⁿ, án-ne it-tit pâi kah Cháp-jī-góeh 31). I tùi chhin-lâng nî-kú góeh-chhim ê thiâⁿ-thàng kah khòaⁿ-kò. Chhin-lâng tùi i ná lâi ná iù-jí ê siàu-liâm, chham i iáu thèng-hâu sî-sè lâi liáu-kái ê jîn-seng.



## *Liâu Hin-chiang Sian-si<sup>n</sup>*

### *I Tan-sûn ê It-seng*

Liâu Hin-chiang Sian-si<sup>n</sup> tī Lûn-pòe, Kâng-bóe chhut-sì, tōa-hàn. Siàu-liân sî-tâi tō mi-chi<sup>n</sup> boeh chok-khek. Ùi Tân-lâm Tiâng-êng Tiong-ôh pit-giáp liáu-âu, sûi khì Jit-pún, Tang-kia<sup>n</sup> ôh im-gák.

Tē-jî-chhù Sè-kài Tân-chiàn kiat-sok chìn-chêng i tîng lâi Tân-ôan, tī Hó-bóe Tiong-ôh kà-chheh, it-tit kàu thè-hiu. Thè-hiu liáu, kà chit-tōa<sup>n</sup> sî-kan ê kîng-khîm. Bóe..nih jit-chí chiah kòe liáu khah chheng-iu, ū tâm-póh-á hiáng-siû tiôh ka-tî ê seng-ôah.

Hin-chiang Sian-si<sup>n</sup> chò-lâng tiâm-chêng, chit-sì-lâng seng-ôah chin tan-sûn, kan-ta chhù-bî im-gák kah thák-chheh. Bóe..á chit-kúi-tang, tiâⁿ-tiâⁿ khì thia<sup>n</sup> im-gák-hôe. 2003-nî Cháp-góeh 24, Kang Bûn-iá kòe-sin 20-chiu-nî hák-sút gián-thó-hôe kah kî-liâm im-gák-hôe, i mā siû iau-chhiá<sup>n</sup>, khì kah lâng tâu-nâu-jiát.

Cháp-it-góeh 20, Pài-sì àm, i koh châu khì Kok-ka Im-gák-thia<sup>n</sup> thia<sup>n</sup> ián-châu. Im-gák-hôe soah, bô-gî-gô hō chit-tâi o-tó-bái cheng--tiôh, pak-môh-âu chhut-hoeh, tî-sú lâi-chong khì-koan soe-kiát, 10-kang âu tî Tân-tâi Pê<sup>n</sup>-î<sup>n</sup> kòe-sin.

I lâu--lôh--lâi..ê, ū: chit-kóá-á gák-khek kah bûn-jí ê chhiú-kó, kui-chhù-keng ê chheh kah chhiò<sup>n</sup>-phî<sup>n</sup>. 10-tiô<sup>n</sup> im-gák-hôe ê phiò iáu khng tî chheh-toh-á-téng

### *Pian-chip tâh soah-bóe* ↗ ↗ ↗ ↗ ↗

Tâiôanji(TOJ) ê thòk-chiá kap chok-chiá eng-tong chai-iá<sup>n</sup>, Pian-chip kûn tùi TOJ só khan-chhut ê bûn-chiong, it-tit lóng ēng chiok tōa ê chhái-koat-khôan teh siu-kái jî-sû, siû<sup>n</sup> beh chià-tiôh chiah-ê chhiâu-chhek, lâi kiàn-lip Tân-ôan Lô-má-jí chia<sup>n</sup>-chò piau-chún ê su-bîn-gí. Sui-bóng kòe-khì tî TOJ lâi-bîn hàn-tit thó-lûn tiôh piau-chún-hòa ê góan-che, m̄-kú tî 4-nî kú ê pian-chip kòe-thêng tions, m̄-chai liáu jôa chê sî-kan ê thó-lûn kap chim-chiok, chóng-sî ū lúi-cheh chit-kóá tùi-chhek. Chiah-ê mih-kiâ<sup>n</sup> iâ hō pian-chip kûn thêh-lâi tî Ko-hiông teh kàu-hák Tân-bûn thák-siá sî ê piau-chún kap siu-kái hák-seng Tân-gí chok-bûn ê góan-che. Pian-chip phah-sng tî 2004/10 tiàm Seng-kong Tân-hák beh pân ê tē-2-kài Pêh-ōe-jî gián-thó-hôe chèng-sek thêh-chhut-lâi kâ tâi-ke chhéng-kâu.

Liâu Lip-bûn sian-si<sup>n</sup> chit-phi<sup>n</sup> chè-bûn, ēng “góa-kap-lí ōe” chit-khôan ê bûn-thé lâi siàu-liâm i ê lâu-pê. Bûn-chiong lâi ū chiok chê tî TOJ chìn-chêng kî bô iông-ún ê jî-sû. M̄-kú keng-kòe pian-chip ê thó-lûn, kám-kak “góa-kap-lí ōe” bûn-thé ê chè-bûn, chhin-chhiú<sup>n</sup> sió-soat jîn-bút ê tùi-ōe kháu-pêh sio-siâng, eng-kai chîn-liông pô-liû bô kâng-khôan ê hong-gián-chha. Só-i chiu án-ne kâ in lâu-tiàm--lôh--lâi.

Kòe-khì TOJ iâ bat khan-teng kòe chè-bûn á-sî siàu-liâm óng-seng chiá ê bûn-chiu<sup>n</sup>. Hit-sî pêng bô àn-chiàu chit-e góan-che kâ chok-chiá kap thòk-chiá hôe sit-lé.